

興安縣志



續脩興安縣志序

佐
自京職奉

命調授興安令癸未季夏抵任
時值重脩縣志將屆告成係
前任余公任內事

大憲飭脩并頒卷以修志格
式一律計卷三十有二查各
類體裁不合且於志孝節
義諸大端尤宜加意因屬
署司諭饒公名元英者悉

心履實摠期矣公矢慎其
濫無遠今於甲申仲冬始
行歲事 佑細加披閱刪改
得宜條目井然足昭一邑
之文獻而符公論邑紳人

士因請佑序爰綴數語以
附蒞端云

道光四年仲冬上泮知縣
孫事長白申佑識

序

是之有志其非徒紀異故尚辭華逞
其博洽之謂其謂維風勵信信今傳
後凡星聖之占山川形勢之勝建置
沿革之殊與夫戶口之興衰物產之
多寡政治之得失人文之隆替胥于

序

是屬志之濟也不綦重哉歲壬午
各憲通飭續濟足乘綦濟通志頒定
格式三十式卷檄至前任余公成彪
勇於趨事遂延紳士開局濟輯乃屬
州甫成而命公謝世遂至輟筆迨是
侯申宣堂先生到任政成事舉百廢

昇興日以此為汲汲夏四月余在郡
試事畢申侯屬予踵濟以卒前業英
不敏謝之至再始允其請即以新志
示予命按其凡例名目視省頒格式
體裁不合爰取舊志而披閱之僅得
胡雷二志胡志過於冒濫雷志概從

簡略新志則參互於繁簡之中而繁
課承訛漫無決擇奚以濟為哉夫為
志者必具簡而該詳而核其事也須
信而有徵其言也務切而有要其課
肩斯任永兢自惕恪遵 憲式逐類
校核不以虛冒實不以私掩公要令

具志之成足以勵俗而維風信令而
傳後不以具文視之也書成送呈省
局以備採擇最爾足亦得表

望天子大一統之規廣億萬幸有道之長
也豈不快哉獨愧英才謗劣續貂貽
請朕天公天慎不致參以一毫私意

序

匪惟申侯諒之而諸紳士亦共諒其
鄙拙矣至此不續脩除刊賞而外概
涉省約為向來所未有故并及之時
道光四年甲申歲仲冬月前署興安
縣儒學教諭事饒元英謹序



興安縣志

目錄

卷一

繪圖 星野

卷二

沿革

卷三

形勢

卷四

興安縣志

目錄

城池

卷五

山川

卷六

水利

卷七

學校

卷八

公署

卷九

書院

卷十

田賦

卷十一

風俗

卷十二

土產

卷十三

興安縣志

兵衛

卷十四

武事

卷十五

關津

卷十六

驛鹽

卷十七

古蹟

目錄

二

卷十八

封爵

卷十九

秩官

卷二十

選舉

卷二十一

名宦

卷二十二

人物

卷二十三

寓賢

卷二十四

列女

卷二十五

仙釋

卷二十六

方技

興安縣志

目錄

三

卷二十七

祥異

卷二十八

祠廟

卷二十九

坐墓

卷三十

寺觀

卷三十一

藝文

卷三十二

雜記

目錄

四

興安縣志

卷首

輿圖

都鄙圖



興安縣志

卷首

繪圖

葛源圖



北至饒州德興界



興安縣

石印

祈雨嶺

坂作視

田屯

都四下

王都

壇樓社

塚義檀

亭

台

都十

都七

都六

都七十

都九

都八

都九

龍潭沈

七陽界

香

坊

山重

臺岩

方勝山


黄山

崇山

界

西至入陽縣界

興安縣志



繪圖

興安縣志

凡例

一興安立縣最後邑志始於前明劉侯一貫分爲八書書亡不可考僅於胡志藝文內得序二篇再修於康熙十二年劉侯儀龔三修於二十二年胡侯裕世胡去劉止十年而人物志內濫載多人實屬竄入四修於乾隆四十九年雷侯汾清時郡邑志同修開局郡城故體裁較前志遠勝其後局中停草草竣事又不無簡畧之譏

一此次因闔省纂修通志

上憲頒發格式三十二卷今

興安縣志

卷前

凡例

悉遵照逐類校正以期畫一

一興安立縣始於前明嘉靖三十九年其前人物皆載上弋二志胡志採入正合雷志自建縣以前一概刪去然人以地附非同拉攏今仍照胡志核其可據者訂之

一文廟首崇祀典與

欽頒匾額俱攔入學校今歸祠

廟志原修邑志各序列入藝文今改列卷首碑銘序志散見各類今悉列藝文志內仍於本類条目下註見藝文以便徵考

一名宦鄉賢關係

國家崇祀大典卽古者舊宗之祀所

以崇德尙賢也與邑於嘉慶十三年新建祠廟名宦祠
內祀有前明通判孟良卿 國朝知縣金聯芳郎文煥
三人並無崇祀明文查係邑人私人宜更正之鄉賢祠
內無人應祀陳康伯雖原籍弋邑而子孫土著於此不
忍忘祖自當入祀按胡志鄉賢類載鄭啟諸人皆無題
奏明文郡省志俱未載不敢冒濫今並正之

一前志諸公如鄭中丞毅居葛源李御史艾居篁村至今
子孫土著如故雷志收鄭而不收李殊無義例又邑侯
曹公復興書院買田以贍學者百年來土飽其德雷志
並不立傳今並增入

興安縣志

卷首

凡例

二

一寓賢方技舊志皆缺雜志風俗志盡擷載他邑事實今
概刪去採其本邑確有可據者增之

一陂塘橋梁止依舊志概不新增以杜爭端

一選舉內科目薦辟貢選仕籍見諸各志及近時出仕蓋
棺論定者固悉登載其虛銜例貢亦附採之

一人物古所稱三不朽也功績建於朝則紀之學行

世則紀之孝友孚於家庭愷惠施於桑梓則紀之與夫
清風皓月志樂邱園化石磨笄徽揚彤管則紀之興邑

分縣未久人物寥寥採其鄉評允協有可節取者必錄之亦善善從長之義也

一藝文表疏紀錄俱缺其閑散記序不可勝紀取其明大義可垂勸戒者所謂事以文存也近有文體不而事不可沒者亦以事存之

一人物俱傳多用掄揚殊失體要今核其事實足徵者事以書卽新唐書云事增於前文省於古之意也

一志書印板新製木厨二扇藏之縣庫以垂不朽

南城饒元英子俊重訂

興安縣志

卷首

凡例

三

興安縣志原序

興安縣志一修序

明 邵伯悌

天下山川犁然縷析其間風氣漸開生齒繁盛不有以職長之迪教之則民獻弗興民生弗安是故經畫區分立政建官勢所不可以已焉者也興安故橫峯窪壤隸弋陽因處民遷處以陶爲業習俗剽悍不遵法度時或騷動凡可以興而安之者靡不盡心力正德間設府判以臨蒞而撫綏之嘉靖庚申歲當事題請議割上弋鉛三邑共三十里後新安江公復議請割上弋二十一里制曰可今劉侯以

邑名興安凡可以興而安之者盡心力而爲之所由廉靜
有守寬和有制仁明有斷三年於茲百務具舉士丕變而
民向化復見循良風烈矣適郡檄言茲邑不可無志侯明
然曰興地之籍昉於八索厥後李吉甫作元和郡邑志謂
執此可以治天下眞名言哉乃倣大明一統志例大書者
八畫地分野作壤書賦役戶口作甸書官秩之設作職書
教化之崇作廸書其辟舉科甲選書錄之名賢人物闡書
記之文翰詞章藻書載之古蹟祥異葑書括之舉一邑之
典章文物機務體要而統之八書卽八索之意詳而覈簡
興安縣志

卷首

原序

四

而該執此理興猶運諸掌乎雖然山川一也有稱重於天
下而不朽者存乎其人焉耳桐江有嚴子陵後名其州曰
嚴以人重也魯公令中牟朱公令桐鄉迄今稱之曰魯中
牟朱桐鄉是以令重也侯嚴之賢彥而著循良之績天下
將指而稱之曰劉興安不與中牟桐鄉並烈也哉

興安縣志一修序

楊時喬

善治者師先王其下師心師心者用智智有時窮乃任法
法久恒弊弊極不反民亦起而以智鬪與法競害斯成矣
害旣成而謂民心非昔難與理也豈其然哉興邑巖勢險

阻山土可陶浙之龍泉民來據爲利已而土盡轉取他山
土器更粗矣又習俗剽悍不遵法制正嘉間省臣請銓郡
倅鎮之庚子歲祲始謀建邑上憲始議割上弋鉛三邑共
三十餘里而哀永玉之里補上饒哀貴溪之里補弋陽以
前所割建萬年之里遺貴溪太守新安江公復議僅割上
弋二十一里於是設邑不改都而邑立特地隘民貧不足
以共賦役爾前年分水劉侯令此侯長於文學習於吏事
踰年而羣宜修諸廢舉神采煥觀念新邑不可不志遂自
主畫屬邑博周君詹君邑士歐陽諸君各纂訂焉其志凡
入書書各數目詳夫邑所從立政所由行而禮教未孚則
禮儀纖悉訓示條節萃焉人物惟列嘉靖丙戌前郡乘者
七以後不錄豈故遺哉實慎之也余惟其初爲橫峯梗民
者雖屬窳蠻亦師心者用智任術弗善馭之故也其後爲
興安馴民者雖上弋土著亦師先王者順勢利導能善馭
之故也王道舉行而民心可與爲理豈不誠然乎哉余方
在假猶縷此叙志叙志所以叙治理也

興安縣志二修序

高夢說

廣信豫章之曹滕也興安又廣信之邾莒也置縣始明嘉

靖中迄今垂百有餘年斗大一城居民內外數十家長吏
皆身棲短垣晨夕食一莖菜必轉而求之他邑其餘從可
知矣顧其文學獨不甚後於他邑其賦較他邑才什之三
催科稍峻則咸搖手曰使君繩我急若掛蒲鞭壁上則又
掉臂去雖牽其衣疾呼之亦不應且其地爲由府詣省必
經之道不甚僻左故邑雖小頗糺劇難治比平劉君儀寵
來令輿謁予於郡布衣木簡悃悞無華予卽臆決曰夫夫
也必於邑宜未數月微聞君首剔胥徒奸利窟宅咸不敢
飾片蹠取民間一簪又躬於署隙闢圃藝蔬不取民縷線
興安縣志

卷首

原序

六

莖稻門無襍走使勁褐溫貂皆怵惕不敢言地上事予竊
意曰輿令君治狀果美若是乎會予以賑饑行部入其境
而田野闢及其郊而道路修至其邑而父老子弟咸相告
曰劉使君幸活我予然後知君之治狀果信而有徵也壬
子冬適奉憲檄徵志予卽下之七邑私計興立縣百年來
未始有志事爲其創較他縣應倍難顧劉君書成獨先甫
脫藁卽賚示余發凡起例體裁甚正屬辭甚雅凡百年內
一邑之故網羅無遺予讀竟喟然嘆曰語云有真經濟者
必有真文章古人豈欺我哉予往往見登高能賦扣鉢成

詩之流才非不雋而案牘全集則攢眉感額若難終日或
肩滕筦鑰計量米鹽之輩事非不辦而掉鞅藝苑則摧軸
敗轅苦無良步此非二者之難兼未嘗本之於儒術也儒
者湛深經術於事業文章平日講求有素則循吏儒林自
可合爲一傳劉君固儒者以儒術應天下無所不濟茲編
特其緒餘耳君曰此書之成強半藉手於孝廉鄭君大雅
龍特一剪裁之而已鄭君工詩善屬文與予善劉君能不
沒人之勞余尤嘉之時康熙十二年歲次癸丑仲春穀旦

興安縣志二修序

侯七乘

興安縣志

卷首

原序

七

壬子秋予除授廣信府同知八月抵任越十月以公事往
省省週道經興安興爲信州屬邑同知雖冷局亦以上司
呼之而例得信宿於憲署焉入城見茂草載道巷無居人
及進署又見門無板簷無瓦居無四壁斜風細雨木落天
高寒蟬叫濕孤鴈嘹空滿目蕭瑟之狀求一牀一几一椅
一凳以供欠伸偃仰了不可得是時縣正缺人越明年新
令劉君至予未暇悉其宦况何似然每見予則未嘗不感
額攢眉咄嗟感嘆也蓋極天下渺小殘破荒僻窮苦之所
未有甚於興邑者矣今歲例修邑志興邑亦以志書來呈

予取而觀之不覺色然喜適然訝也何則志之爲言謂其
有可志而志之也興之爲邑予幾疑其無一可志矣乃他
邑有建置沿革山川輿圖以志其地也而興邑亦然他邑
有風俗物產田賦戶口以志其事也而興邑亦然他邑有
名宦人物流寓仙釋義夫烈婦以志其人也而興邑亦然
興不居然一邑也哉孟子曰將爲君子焉將爲野人焉孔
子曰君子學道則愛人小人學道則易使興之邑其地其
事其人既猶然與各邑並著則目前之荒殘特甚者時也
數也變也而非其常也方今天下氣運方升兵戈不作天
興安縣志

卷首

原序

正於上民安於下剝極而復理固應爾况又有循良之吏
多方招撫吾安知此荒殘特甚者不轉而穀擊肩摩城滿
煙火而戶滿倉庾也哉然則予何以爲興邑序哉昔日之
興邑予旣不能以遠言矣異日之興邑予又安能以豫言
予之所言者卽此目前之所見於興邑者歟

興安縣志二修序

劉儀寵

國有史郡縣有志所以備記載徵信從也顧志與史不同
體史載筆嚴貞淫畢載而勸懲之義俱志則錄長褒美務
闡幽貞義存風勵寓懲於勸之中故曰志也者志也方志

是事欲善之以有所取義作者之志也興舊無志非無志也興爲明嘉靖間增設縣山川人物備上弋志中自縣立屬在曹檜罷於奔命百年以來生聚幾何教誨幾何夫是以寥寥焉非地限之抑亦上之人不能鼓舞作興之也舊志所載因陋就簡今奉憲檄雅意纂修特命孝廉鄭大舉領其事日夕商訂務在傳其可信欲善之以有所取義而已夫乃城有常建置無定自秦分天下爲郡縣不知其幾變更有斯也寧獨興邑然乎作建置志星象懸於天而封域應之雖天官多不經語而災祥不爽省日省月亦敬天

興安縣志

卷首

原序

九

勤民者事也作分野災祥志有分土無分民畫疆而守所以定民居也作疆域志出治有堂退食有居皇華有舍城隍有廟社稷山川邑屬有壇下至養濟義塚各有所所謂明有人幽有神撫而池之使天下無告者皆有依而枯骨亦有托也作公署城隍社稷各色志記曰廣谷大川異制民生其間異俗是俗也地爲之然言俗必曰風則又係乎上之化導何如耳作風俗志山川之秀鍾爲人物然文章節義之士生爲國華而地亦因以不朽也作山川坊巷橋梁志古者版籍上之天子天子拜受甸服而外粟米秬秠

國之取之金玉用之泥沙不幾重困我民乎作戶口田賦
徭役志山林麓陂池各有產足民用也而水之潤物爲
五行首蓋可忽乎哉作水利物產志厚生之後繼以正德
化民成俗舍學蔑由文教誼敷實治天下之所不能緩也
作學校志俊乂在官爲人表率桐鄉之祠千古膾炙人口
而生於其地者百世可風豈至與草木同腐乎作秩官名
宦鄉賢志豪傑之生出建功業史冊榮之而亦有策名天
府表厥宅里香人齒頰者是烏可以無傳作辟舉科甲賓
貢地封志天地正氣賦於流形則至性懿行矯然自命有

樂安縣志

卷首

原序

一稱詩說禮人所能倣者則綱常名教之重賴若人傳不
表其行不可也作列傳觀山之石千古不磨宋王之居只
今有址高人足跡所至而地因之以傳作古跡仙釋志山
川靈異不過品題則頑然者石塊然者山耳有杜陵雜詩
而秦州傳有子厚小記而鈷鉬著則山水必藉乎文章也
明矣作藝文志事跡畧於他邦而記載倣乎信史亦曰志
也者志也方志是事欲善之以有所取義而已若以爲鋪
張往事據實傳聞魚目亂珠則非予之所敢出已昔李吉
甫作元和郡邑志謂執此可以治天下予不敢望吉甫猶

曰執此可以治興安則予又何敢多讓焉是爲序

興安縣志二修序

鄭日奎

信屬邑凡七而興之建也在明嘉靖中獨爲最後邑舊有志然記載草草或失之蕪或失之畧繁簡失指無當大觀近值鼎革經兵火之焚蕩歷風雨蟲鼠之侵蝕版冊無完幅百餘年間事蹟荒畧莫可考矣邑侯百一劉公以燕山豪雋夙負才名來宰是邑起我蒼赤於兵殘賦劇之餘以長養之教訓之故下車未幾而風清惠浹士恬民熙語所謂朞月而可亶其然乎侯復憫邑乘之殘缺思以纂修爲

興安縣志

卷首

原序

十一

已任而徵志之檄適至於是乎經營伊始焉載籍可稽也則徵之文故老猶存也則考之獻更取舊志之繁者刪之闕者補之慮其贗也則虛衷審實以要於當慮其偏也則據事取義以歸於公會未逾月而書遂告成於是乎星野之占風雨露雷之變山川人物城郭宮室之勝官師兵衛禮樂賦役之司人文之盛衰風俗之升降以及詞章之藻麗草木魚虫之情狀與夫仙釋神鬼靈奇怪幻一切可喜可愕之事莫不部分條注綱舉目張一邑之觀粲然大備猗歟休哉然余嘗聞之矣政澤一世教澤百年則侯之於

是役也豈僅以備典故已乎夫邑之有志猶國之有史
已往垂將來蓋勸戒之理存而裁成輔相之道亦由之以
出是治典教典合爲一書殆不特爲一方一時計而固爲
天下後世計也既詳而可考亦信而有徵於以上諸昭代
一道同風之盛而下開來哲因地制宜之休非甚盛舉哉
志之成也家仲秀子襄助之力居多然非侯之虛懷集思
不及此因併及之是爲序

興安縣志三修序

孫世昌

興安爲古弋陽橫峯之陶地建邑纔百有二十年予披閱
興安縣志

卷首

原序

十一

圖志東西廣七十里南北倍之亦古所稱小國地方也子
與氏謂勝地褊小可爲善國春秋時國小而偏者莫如鄭
而子產爲政能使都鄙有章上下有服用有封洫廬井有
伍鑄刑書存鄉校寬猛相濟輿人誦興由此觀之雖無小大
亦視其治之者何如耳信之興邑亦猶春秋之鄭戰國時
之滕也往之牧斯土者無論已邇來劉令嘗漏敝之餘能
寓撫字於催科遽蒙優擢以去得非邑小易治之效乎今
胡令蒞任未幾適會我

初纂修大一統志令郡縣皆繪圖以進興安雖彈丸地亦得

附呈以備採擇此胡令所爲汲汲增修而不敢後時者也
志成問序於予予閱其巨細畢載開卷洞然竊嘆胡令之
敏而詳詳而慎也然予因是而更有慨焉興安之民非盡
橫峯之陶民固上弋兩縣所分割之編氓有分土無分民
有分民無分治何以分隸興邑之百姓率多醇良興邑之
風俗率多樸愿豈非賢有司倡導於上而潛移默奪而不
自知乎昔輿人之誦公孫僑曰我有子弟子產誨之我有
田疇子產殖之斯語也予知興民殆將爲胡公誦矣誰謂
牛刀割鷄之莞獨在武城之絃歌哉予則傾耳以聽康

興安縣志

卷首

原序

十三

二十二年癸亥

興安縣志三修序

胡裕世

癸亥孟秋予奉

命蒞宰興安俯覽荒城僅五十餘家其鄉堡村落皆灌莽極目
空存二十二里之名舉天下之僻陋褊小未有逾於茲邑者
邑建於有明嘉靖年間舊志無從稽攷於康熙十二年適
旨纂修前令劉儀寵領其事凡於邑乘所宜記者條載亦甚備

矣今

聖天子威靈遠播廓清四海爰

整士臣重紀方輿形勝務覈且詳以昭車書一統之盛予因
進父老子弟而詢之自甲寅來逆黨煽亂蒞斯土者或身
殉城社而矢死靡他捍斯圉者或志存敵愾而激烈不同
者得無有耶抑或志士仁人甘鼎鑊之如飴不惜殞首以
成仁貞女烈婦誓冰壺以同潔不惜捐軀以完節者得無
有耶且賦役屢荷

恩詔其亦如洛陽萬戶實被洪澤以沐

真仁之浩蕩者有之乎戶冊類奉

諭旨著令實編其或丁口消耗不敢偽增以邀

興安縣志

卷首

原序

十四

上賞者有之乎抑踐土食毛授地賦產雖瘠里蕭條未獲如棟
幹栝栢竹箭金錫之饒然一絲一粟遷其地而弗能以爲
良也至如官師兵衛之裁建城郭宮室之存圯邊隘控扼
之更仍幽明典禮之增損與夫藝文科貢風景人物之華
樸水旱災祥神鬼仙釋之有無則幾經滄桑之變渝而猶
宜悉載於是不憚搜羅遍訪輿論屬學博廖如珮參閱焉
且於前志畧者補之繁者刪之俾先後庶幾無缺畧歟
興安邑志修於康熙十有二年前令劉君儀寵迨二十二
年纂修天下一統志興雖褊小亦得編次呈覽時宰胡君

裕世因而增修凡天文地理以及人物藝文莫不巨細畢載後因延燬計頁一百六十有奇志闕有間矣於是捐俸集匠災棗梨而剗刷之燬者以復闕者以補前志所有者補綴無遺俾採風問俗者班班可攷庶幾無廢前人作者之志而余之汲汲以求無闕者斯志應亦見諒於後之君子焉康熙丁酉知縣孔鵬序

興安縣志四修序

連柱

興安爲古陶地山勢阻險蹊逕僻隘陶民嘗據險滋擾明嘉靖間始割上弋都鄙而建邑焉地雖僻而土田原隰頗興安縣志

興安縣志

卷首

原序

十五

稱膏腴葛源霞坊諸村煙火相望橫峯赭亭諸勝巖業稱奇建置二百餘年駸駸乎風斯美矣邑舊志無存

國朝康熙十二年知縣劉儀寵初訂成集歲癸亥知縣胡裕世復增修焉越一載板片遭火焚燬幾半至今又百餘年矣夫以二百餘年之縣至百餘年而志始修百餘年之志又待百餘年之後而再修此興志之所宜亟亟也按原序邑之僻陋特甚然余嘗往來其境見夫山川疆域昔所謂荆棘蒼煙今則青螺環列矣城郭室廬昔所謂斷瓦頽垣今則女牆畫棟矣津梁驛路昔所謂客旅淒涼今則車馬

絡繹矣豐宮書院昔所謂茂草荒蕪今則絃誦滿耳矣笙歌永夕不聞鼯鼠之嗽輸載滿途不識仳儷之苦是皆我國家太和翔洽百有餘年以來道一風同故雖一邑其繁盛有如此也夫分戈之半割上之半畫井分疆依然方六七十如五六十任土作貢安見非邦司民牧者信能畱心撫字加意作人將戶口殷富而學校易舉矣學校振興而人材益奮矣不幾斐然稱名邑乎是志與郡志及六邑志一時合局同修至是告成因追其昔日之簡畧而快其今日之美備與六邑齊觀有如此者乾隆四十九年閏三月既望

興安縣志

卷首

原序

十六

興安縣志四修序

雷汾清

有不易之教化無不變之風俗故欲風俗淳美必先教化有方教化之責在於守土之賢自古循良奏績凡山川城郭社稷民人以及土田物產莫不一一就理由是風移俗易百姓日用而不知武城單父此道也召父杜母亦此道此固不以地之大小異也興邑建自明季迄今已二百餘年余自癸卯春來蒞斯土見夫彈丸斗邑雖一切簡約然山之秀巖之幽林木之青葱川澤陂池之滋灌闔四境如圖畫間有游惰之民曰無之間有不耕之地曰無之間有

強梗不率之徒曰無之疆域雖狹而桑蔴掩映一櫛比之象賦稅雖歛而丁口日益一富庶之形人情樸茂景物完淳何道之隆也邑舊有志其所載分縣之初荒陋極矣自我

朝定鼎以來德澤汪洋無遠不屆卽山陬僻壤莫不食太平之福兼以賢守令前後督率勸課匪朝伊夕故雖蕞爾輿安亦得與同郡六邑壤錯而稱盛焉所謂教化興而後風俗厚不信然歟余方懼無以仰承德意而我太守連適有纂修郡邑志乘之舉良法美意其見諸成效者已足光史

冊而垂不朽也今興志踵郡志而竣事典冊焜煌用敢敬書數語以紀其盛至於志之盡善及爲序所以詳者概不復贅云乾隆四十九年孟夏上浣